

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部  
第九一冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

24370/09

# 四庫全書存目叢書·子部九一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

# 子部第九一冊目次

## 子部·雜家類

共發編四卷

〔明〕曹于汴撰  
北京圖書館分館藏明天啓五年重刻本

一

剩言十七卷

〔明〕戴君恩撰  
北京圖書館藏明刻本

三一

張弘山集四卷

〔明〕張後覺撰  
中國科學院圖書館藏明萬曆二十七年張尚淳重刻本

一四一

感述錄六卷續錄四卷

〔明〕趙維新撰  
中國科學院圖書館藏清道光刻本

一八三

治平言二卷

〔明〕曾大奇撰  
北京圖書館分館藏明刻本

二六三

林子全集元部六十二卷亨部十九卷利部二十九卷貞部二十四卷(一)

〔明〕林兆恩撰  
北京圖書館藏明崇禎刻本

三二八

# 共發編四卷

〔明〕曹于汴撰

北京圖書館分館藏明天啓五年重刻本

附《四庫全書總目》·共發編四

卷《提要》

重刻共發編序



共發編者君

師曹真子先生司理淮陰時  
講學安定祠內淮士彙而銀  
梓者也先生置之棟架三十年

予

未嘗示人當日淮刻數種日久  
不無散佚如節孝祠會約竟  
成烏有而此編僅存一帙安知  
異時不與節孝約等於諸  
茅子請於先生重付剞劂稍

又亦有訂入其邇年仰節堂  
傳是堂會講之語其清刻  
而先生復不許曾憶先生語  
弟子曰淮才多負氣每睥  
睨武弁弁輩亦踟躕遜之一日

序

二

大會安定祠有胡生平者躬  
捧大盤徧供茶於諸弁及齊  
民容色甚和而弁輩亦怡然  
接受余因嘆學問之果能化  
氣質也節孝祠會原以徐節

孝為風而淮之齊民若孔金  
父子等以孝著稱者幾十  
餘人講學足以興民行不可  
睹哉杜竊謂淮人聆先生之  
講僅於從政餘暇耳成效已

序

三

如是瑣儻歲只侍左右日承  
謨誨不啻呼寐而探蒙儻不  
能變化氣質興行合道視淮  
之亡民不其有愧乎其烏  
得不奮勵於茲編也時

天啟五年春三月望日

門人楊柱謹序



共發編

序

四

共發編卷之一

不佞資質昏鈍牽纏於習染其於大道無賴也  
習習無之然嘗聞先正有云道義由師友  
乃率諸生會講講則疑生疑生則相與思之相  
與辨之我發諸生諸生發我稍稍亦露端緒焉  
既而諸生編所問答爲帙請附於會約後曰常  
目之以求發也請且固予乃許之命曰共發編  
當就有道者請正或其我發也已安邑曹于汴  
書於淮之學孔堂  
譚生大禮問云先生教人說人生只是一個孝  
孝則藹藹若春故爲仁仁於天屬春凡不孝者  
其心慘如秋又謂孔子大聖猶未滿孝之分量  
大禮竊謂堯舜而上善無盡想亦是此意否曰  
此理甚明即如親恩罔極而人子之致於親者  
有極雖聖如孔子豈以孝道已盡而毫無所歉  
乎再如文王爲君止仁然商率之民多毒痛其

自視仁爲如爲臣止敬然紂惡不悛其自視敬  
爲何如故文王望道未見孔子動曰未能曰何  
有曰未得正謂道無窮盡乾乾不息無歇手處  
也堯舜而上善無盡亦此意也

問先生教人只於家常勾當開發律人意念忻  
從精神常向於內大禮竊疑家常勾當誰不行  
習誰其著察而近云著察謂本體即是工夫第  
習心難除本體久受染矣而謂即是工夫恐流  
共發編 卷一 二

茫蕩奈何曰本體者天理也工夫者人事也天  
理人事一時俱在外人事以求天理或反流於  
茫蕩謂本體即工夫正所謂不茫蕩也且子謂  
本體受染不知因何受染今欲去其染於何處  
去之則本體即工夫又可見矣

問先生教人真實下手用功謂人不知而不愠  
非因人不知我益如學問只是君子盡其在我  
不見有所可知故不求知又何有愠此不愠耶

悅樂之本體也孔子尚矣顏子不改其樂程子  
曰顏子所樂何事先生曰顏子所樂無事大禮  
竊疑無事二字從前所未發矣不知無事光景  
與如愚光景何別曰無事故虛虛故能受能受  
故不達不達則無扞格無扞格則無事則亦非  
有二也

問先生教人割舍名利念頭方能擔當聖學利  
利也名亦利也名利之念無大無小始乎蟻穴  
共發編 卷一 三

極乎滔天居常毫毛自便如遇五代六朝則朝  
君暮仇無不爲之皆此名利之萌乘時而發也  
大禮竊謂爲聖爲賢鴻名也盡性至命厚利也  
日以此操撕用功亦能動人但其心恐仍涉於  
名利將或爲滔天之蟻穴否曰謂爲聖爲賢爲  
鴻名盡性至命爲厚利提醒用功亦是但不知  
求此名利而依依乎得此名利而沾沾乎抑忘  
之乎果忘之也則亦無名利矣其依依沾沾也



則性命上加一層終與聖賢有異亦安知蟻穴之不滲天

問先生教人爲學以與人爲善爲第一大善如我愛人敬人而不能致人我愛我敬終是我之猜神未能貫注於人奚以完此一體分量大禮竊疑顏子以能問不能只見能之在人問以自裨與之共能也與人爲善之意自在其中若犯而不較其與人爲善之意何在曰犯而不較正盡天下萬世之人總完個成已

問先生教人以心應事以事證心每言果致中在致和處見果靜亦靜在動亦靜上見此心應事事證心之正印也大禮竊疑人心輾轉轉點染久矣居嘗淨几焚香默坐澄心并善念亦

共發編

卷一

四

欲去之曰靜坐工夫先儒所重此學者收攝精神第一義不可少者但若專靠在此便流於厭動一遇紛雜即便乖亂矣夫以心應事心常足以待事也以事證心事常不違於心也則心事參合動靜無二何往不宜乎

問先生教人識取幻體真體謂真體廣大峻極於天猶包於天之外而與天同悠久者人人具此真體則天地民物原一一聯屬於我大禮竊疑體本無幻寄真始幻體亦無真對幻有真第以天地萬物一一聯屬於我而不能忘我之相仍依幻爲真矣欲極論其無我相之旨儒與禪宗將無同曰若天地萬物一一聯屬於我斯無我相矣然天地萬物亦無相也以相觀天地則如彼其大矣以相觀萬物則如彼其衆矣矣能聯屬於我故幻相非真真相亦非真而無相者爲真夫擅禪者非也而避禪者亦非也無直而

共發編

卷一

五

未嘗無真無幻而未嘗無幻無天地萬物而未嘗無天地萬物裁成輔相種種見在焉知其禪與不禪

問先生教人即心即聖如學王右軍字即學到至像處中猶有不相肖者學聖人終與聖人隔亦然吾心自有個聖以我學聖不如以我證心大禮竊疑心亦難證矣將何證之曰心誠不易證然孟子最善證心者有曰乍見孺子入井皆

共發編

卷一

六

有怵惕惻隱之心有曰噉蹴之食乞人不屑有曰大人者不失其赤子之心由前二說忽然而來不假安排由後一說十分完足不假增助諸生欲證心乎試於此證之

問先生教人為學不必分別諸家同異得失只要着實擔當去做則說良知固可說良知亦可說格物為窮物之理固可說格物為格不正以歸於正亦可大禮竊疑學賢識主腦如為學問

主腦而辨則宜辨同異得失如主腦已得則隨處皆可可用功顏子於學脉主腦偏身徹體皆已通透而猶曰欲從末由不知此從字當如何理會曰余意為不務躬脩者較勘訓詁評駁儒先又或泥其師門負其意見紛紛爭論剛成好勝辟如辨朱陸者數百年矣而為之者反不多見所謂舍其田而芸人之田也果實為學則理本一原觸處皆是豈矜門戶故謂不必分別

共發編

卷一

七

者此也其實同異得失豈得無辨學問到處當自了然若夫顏子欲從從字謂道不可從也從之者二之也一之斯無從矣夫我即道以我從道是我從我故曰末由也已

高生鹿鳴問自科舉與而士心多趨漢英程子先為世道憂之而况今日請於科貢外復漢鄉舉里選勢能行否曰漢至今未遠其鄉舉里選何不可行豈惟漢乎雖古聖人之政亦可舉而

措之然古法之不行無其德故也有聖德斯有聖政矣有聖學斯有聖德矣漢治固善而德不逮古故雖有其制其治終與古異

宋生士奇問先生曾云顏子簞瓢陋巷不改其樂然未嘗不問爲邦且孔子周流顏子未嘗不從而孔子又與諸弟子闡明經世之學傳之萬世可見聖賢不是自家用世便教人用世然又問諸生有個科第到手肯不要否果爾則用世

共發編

卷一

八

之畧何塗以出曰天下無忘世之聖賢不可得而忘也伯夷固隘然亦曰待天下之清也若孔顏在今日亦必由科第爲用世之途然必進以禮退以義以行道濟時爲事斯爲聖賢之出處若不以禮義不能行道濟時則雖以周官德行爲途亦何取焉

韓生國保問每自家檢點過舉甚多在何處下手曰人之過不一然其原一而已逐過而改之

如止沸清其原如撤薪顏子不貳過先正曰貳與一對常一則過寡矣

馮生世明問竊睹先生身任斯道誠然大勇而諸生欲近乎勇只在知耻人不知耻爲學之不講耳願聞講授之宗曰耻何從生生於心耻何從知心知之講學者勿講口耳而講心勿講人之心而自講其心斯知耻矣

胡生平問皐癸稷契有何書可讀今之讀書者

共發編

卷一

九

滿世界矣乃客山東而擔聖學僅見一韋布何也曰誦詩讀書聖賢對面準繩具在勃乎進脩故開卷有益書何可不讀然善讀者以書證心不善讀者以心從書德之不蓄口耳是資者又其下矣心齋先生第善讀書

熊生志美問心性天命曰心外無性性外無命令外無天渾淪密而皆是物也

葉生中興問心體曰心體不可見見之乎萬事

萬化萬事萬化可見然已具於不可見之中是謂體用一原然則謂心爲有謂心爲無謂心在外謂心在內其爲滯均爾夫學不可逐物故友視內照以存心體然滯而不化則亦物焉而已王生王壽丁生維泰維貞蕭生允宜王生天慶問生死曰以能言能動爲生則生於胎孕死於衰老以所以言所以動爲生則未生已生既死未死夫人之生於天也一塵不足喻其小也生焉爲有死焉爲無得道者與天同運不以朝生爲生豈以夕死爲死夫生理大矣不能盡其性者不能盡其生者也則生爲忝生死爲徒死忝生謂之行屍徒死擬諸腐草夫惟盡其性則盡其生矣以生生者爲生矣生無虧欠故生順死無毀壞故沒寧

共發編

卷一

十

趙生有年趙生世進謂吾人日用但過欲存理之爲兢兢焉生世明謂學在悟悟則人欲皆天

理不悟則天理皆人欲譚生大禮謂悟自不容不脩乃龍谿先生又有悟而不脩脩而不悟之說此又何樣悟何樣脩也今不必在存理上用功只十分放下割去隱微名利根株而天理有種種現前矣何勞存理願先生開示曰存理過欲之謂脩欲退理明之謂悟學期於悟脩以求悟也有脩而不悟者無悟而不脩者悟而不脩偶有所見耳非悟也脩而不悟亦不足言脩然脩悟終當合觀致知在格物求悟在脩之說也悟則其脩無害所謂不息也譚子謂不必存理夫理固無俟於存不存而存欲自退茲云割名利根株方割時亦理用事大抵割欲即以存理也存理即以割欲也第但斤斤於割欲恐欲根無斷時十年見獵而喜可思已馮子之言自確論也理欲原非亦論也

共發編

卷一

十一

高生登龍梁生維毅問曾聞先生曰爲學須將

此心放下儻亦孟子所說求放心之旨否乎韓  
生國保又問某嘗於其心放時每用收攝未知  
收攝工夫果是否曰前因某生言收放心故余  
謂收放心不如放下心蓋余嘗收放心矣其狀  
苦又嘗放下心矣其狀甚竊意心本甚吾何爲  
苦之于於心放時每用收攝不知其苦如何孟  
子放心之放與放下心自不相蒙然字字言求  
放心而不言收放心更宜較勘因何心放於何  
處求之且士或認意爲心認定氣爲收心不可  
不知也

共發編

卷一

上

丁生維貞爲生世平問終日茫昧不知心在何  
處何以識得自已真心曰子不安於茫昧而舉  
以相問此即子之真心可以識得矣此後有所  
不安者勿欲勿爲當有豁然時

共發編卷之二

天下事不必已爲之亦不必人爲之名不必  
居之亦不必已避之

有心於貧與有心於富同有心於賤與有心於  
貴同有心於死與有心於生同

金石無知之物然石能感金而致之其氣通也  
上之不能得民其氣不相通也夫氣依乎志志  
無機而鷗鳥仰志有機而父子離

共發編

卷二

惡惡不可動氣

百年之後公卿之富貴成虛元會之終雖堯舜  
之聲名亦泯此足以破塵迷然君子脫落名利  
初不爲是也彼以性分在己焉用聲名所喻在  
義利自不足動之

伊尹相湯之業何等弘大使非三聘則亦終身  
有莘而已略不怨悔

忠君孝親安民阜物辟如饑食渴飲寒衣暑葛

隨時行之而已飲食不求人知而忠孝求人知惑也

以不好名爲名辭利爲利然則名利關何時打破戒之哉

孔子食不語寢不言於鄉黨恂恂不能言成事不說遂事不諫不可與言不言怪力亂神不語利命與仁罕言言未及之不言未見顏色不言非禮勿言然則一日之間言時少默時多猶於

共發編

卷二

二

訥言慎言耻言謹言不出言惓惓爲戒曰予欲無言學者終日喋喋支誕不羞而欲幾於道胡可得也

心如水平體本平激之而後有波顏子不改其樂只是心平

人之有技若己有之古人只要了得天下事不見才可名故不見才名在人又何必才名在己晨而興著衣納屣盥漱飲餽應人立事裁成萬

物悉替天地罔晦而息擁衾就枕事有大小總謂之道

空洞之竅何以能聽萬聲半寸之睛何以能察萬色片許之舌何以能知百味故體有大小理無間隔

小心即大勇

禮莫嚴於祀神觀君然必歛福舞蹈可見人之相與貴情意浹洽

共發編

卷二

三

秋深覺寒可見與天地同體人人俱寒可見萬物同體然合下耶有萬物便踏實作一體做蓋既知萬物一體便當有安排萬物之方略乃爲實學

天載無聲無臭然離却有聲臭者何處安頓講學愈精則愈粗愈高則愈下故聖學爲庸行如赤子而止

用人之公者不避仇不避親亦不避身趙克國

曰無踰老

一介不苟方是廉邱證在臨財之際一毫無私方是公崇駭在發念之時

遭人之囑罵斥辱皆我大得益處

漫天漫地俱是氣俱是理俱是心俱是性俱是天俱是我所謂真我

學問毫無倚借至虛則神惟無欲乃得之人之性由天而生然此性乃天所由生也

共發編

卷二

四

怒殺二蟻即可以坑長平之卒貪取一粒即可以奪萬乘之國

學問只要個真匡天下如桓文讓千乘如仲子只一假便壞盡聲為真而有過不為假而無非無刺

奸其奸於善暴瞞惡其惡於竊仁義我苦其苦於不知學

聖賢用惡處亦是一體

幸而為人失其所以為人幸而為官失其所以為官惜哉

心之在人雖夢寐而未嘗斷息常動故也雖酬應而不可朕兆常靜故也

饜肥甘者愛其口而忘其腹愚也甚矣瘠人以自肥其愚亦猶是也

田獵樂事然古人以之練兵也故行政者因其情導其機使民樂為之

共發編

卷二

五

飲食不入於口終不知味學問不體於身終不悟

問通於心曰適於已之心

夫人也天地所生然亦各生其生者也第謂天地生人曰天地之前無我矣

以聖賢之道為口吻之資罪之大者故空言不譚泛問不答氣盛者勿與辨

神氣常要氣定

經世以世不以我與是謂出世若杜門却庸  
蕩禮法曰吾將出世僅棄世爾

有與胥隸爲比鄰者素相善也一日有事於公  
主司怒焉命胥隸辱罵之斥逐之既竣事而遇  
胥隸相善如故或曰杖辱汝斥汝者曰天有所  
受之也何異乎行使止尼亦有所受之孟氏之  
不較臧倉也孔子曰命也命合如是公伯寮未  
得不爾奚以較爲

共發編

卷二

六

從人于井君子嗤之回腸阿人與之同陷輕言  
遭噬愚亦顯此故事求可功求成非漫而已陷  
身陷心陷德陷業入井之途多

易稱易簡聖惡隱怪儒者曰道在庸而已亦何  
爲矯矯激激自異也誠然哉然一介不取與行  
一不義得天下不爲不易簡也乎晰我性命非  
隱也守我藩籬非怪也人汙我汙人醉我醉貨  
利可逐聲色可溺曰我不立異也可乎哉

晝遊雖樂不聞過夜而悲春景足嬉豈至逢冬  
而惡何者安於時也時有順逆何異晝夜春冬  
而情逐境遷乃致愁苦亦惑矣故智者順亦樂  
逆亦樂皆亦稱良何擇乎晝愚者逆亦憂順亦  
憂冬則凜凜春豈無陰

有人焉歎鼻眇目衆稱二醜惡其醜也而寢項  
乃稱三醜膚餓肋勞者苦哉而戚其心是增一  
苦也或告乙曰十年且死則計日歡笑迫期而  
終告丙曰十年且死則晝夜悲啼迫期亦終等  
終耳歡笑不爲得哉

共發編

卷二

七

獸不慕走禽不慕飛而禽翔空獸奔壙皆具故  
也禽慕走獸慕飛終必不獲其食慕鳥夫兩目  
之視不如四之明也然誰則慕四目者生既如  
是慕之無裨耳窮通天壽非定於有之始乎  
而役役外羨不亦愚哉

簞楚加人瘡湯起膚莫不望其速竟異痛之歎



思難既往而追念嘆悼是貧賤之常而思難無已時也故飢破不顧有言哉

既生爲人須異禽獸既生中國須異胡虜既爲男子須異婦女既爲士人須異齊民若由腸毒手厚顏卑志又何異焉

智者以天下爲一體愚者以一體爲路人智者流百世之芳愚者快一時之利智者保其恥愚

法後編

卷三

人

者棄其良知者觀愚如醒眼觀醉備嘆其醜愚者觀智如穢中觀麝不悟其香

戕多命以充口腹我甘彼苦疲衆力以恣盤樂我逸彼勞奪人財以厚家業我肥彼瘦墮人玷以逞剛強我伸彼屈彼則何辜我則何忍怨毒難解惡業難銷

夫道不可難言而易觀目前者是何難焉終身不知何易焉難之者怯易之者賤終成千里

天學隨事可盡隨時可盡隨地可盡隨分可盡外無待越內無容減當其見在不乏毫釐

性者理宰氣而寂心者理乘氣而活意與事則氣運理而顯諸用

以未發之中爲根本以萬物一體爲規模以改過遷善爲工課

君實厚我我勿薄民實親我我勿疎天實大我我勿小

共發編

卷三

九

忠告之益每及於虜懷之士儻無此語吾有溢志乎

干進之謀不商於守正之士儻聞此語吾有隱隱乎

一日夢孟子答問人之問余謂二友曰孟子此時胸中一無所有與孔子空空一般只因人間及乃答出許多議論是夜余又夢與二友各出所有相抵爲戲余視二友所無者以余所有之